




ԱՄԱՎԵՐՋԻ ՀԱՆԴԻՍՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Հոգևոր ճեմարանի հարկի ներքո 1980—1981 ուսումնական տարեշրջանի փակման հանդեսը տեղի ունեցավ հունիսի 11-ին, հինգշաբթի օրը, ժամը 11-ին՝ նախագահությամբ Վեհափառ Հայրապետի, որը նոր էր վերադարձել արտասահման Իր ուղևորությունից:

Հանդիսության նախագահության սեղանի շուրջ, Վեհափառ Հայրապետի կողքին, տեղ էին գրավել Ս. Սիոն, Ս. Հուսիկ, Ս. Գևորգ և Ս. Արսեն արքայապետները:

Հանդիսությանը ներկա էին նաև Մայր Աթոռի միաբանությունը, Գերագույն հոգևոր խորհրդի անդամները, հոգևոր ճեմարանի դասախոսական կազմը, մայրավանքի ղեկավար պաշտոնյաները, որոշ սաների ծնողներ և այլ հյուրեր:

Հանդիսությունն սկսվում է Վեհափառ Հայրապետի աղոթքով:

Ապա հոգևոր ճեմարանի ուսանողությունը կատարում է Հայաստանի պետական հիմնը: Հայրապետական աղոթքն ու պետական հիմնը ունկնդրվում են հոտնկալս:

Հոգևոր ճեմարանի քայլերգի կատարումով սկսվում է հանդիսության առաջին մասի գեղարվեստական բաժինը:

Ապա հոգևոր ճեմարանի ընդհանուր դաստիարակ Ս. Ստեփանոս արք. Չաքալյանը հանդես է գալիս բացման գեղեցիկ խոսքով:

Ա դասարանի ուսանող Գրիգոր Թովմաշյանը դաշնամուրի վրա կատարում է «Նագելի» հայկական պարը, իսկ Բ դասարանի ուսանող Հովակիմ Բիլեճյանը՝ Արամ Խա-

չատրյանի «Անդանտինո»-ն և «Հայկական պար»-ը:

Հանդիսության երկրորդ բաժնում հոգևոր ճեմարանի ուսանողները միասին ասումնքեցին հատվածներ Գևորգ Էմինի 1980 թվականին Երևանում հրատարակված «Հավերժի ճամփորդը» գեղեցիկ ստեղծագործությունից, որի մեջ հեղինակը «արձակ շարադրանքով, բայց բանաստեղծական շնչով փորձել է ցույց տալ հայ ժողովրդի դարավոր պայքարը հանուն լուսավոր գալիքի և նրա վերածննդի փառավոր տարիները»:

Վերոհիշյալ ասումների գրական-երաժշտական ձևավորումը (կոմպոզիցիա) կատարել էր մեծ հաջողությամբ և սիրով հոգևոր ճեմարանի գրաբար լեզվի դասախոս, բանասիրական գիտությունների թեկնածու Սյարոն Երվանդ Մելքոնյանը:

Ուսանողները և մանավանդ մեծասացները հուզումով և ապրումով արտասահման են կոմպոզիցիայի բանաստեղծական հատվածները, որոնք ունկնդրվում էին սարսուռով, բայց և ազգային հպարտության խորը զգաստումով:

Մերթ ընդ մերթ կոմպոզիցիան ընդհատվում էր կոմիտասյան և այլ նշանավոր հայ երաժիշտների, ժողովրդական կամ հայրենաշունչ երգերով, որոնք հնչում էին մերթ թահծալի ու քնքույշ, մերթ՝ հզոր ու հաղթական:

«Հավերժի ճամփորդը» ստեղծագործության օրական-երաժշտական ձևավորումը կազմում էր գեղարվեստական մի կոտ ամբողջություն:

Այնուհետև պարոն Պարզե Շահբազյանը վեհափառ Հայրապետին է ներկայացնում 1980—1981 ուսումնական տարեշրջանի համառոտ, բայց ամբողջական հետևյալ բովանդակային զեկուցագիրը:

«Վեհափառ Տեր,
Գերազնորն և հոգեշնորհ հայրեր,
Գերագույն հոգևոր խորհրդի հարգարժան անդամներ,

Հարգելի դասախոսներ և ներկաներ,
Հոգևոր ճեմարանի տեսուչ Տ. Եզնիկ քահանա Պետրոսյանը այս տարվա ապրիլ ամսին, Չերդ Սրբության բարեհաճ կարգադրությամբ, մեկնած լինելով Աթենք՝ տեղի համալսարանի աստվածաբանական ֆակուլտետում ավարտական քննություններ հանձնելու, թույլ տվեք, որպես տեսչի պաշտոնակատար, ներկայացնել Ձեզ 1980—1981 ուսումնական տարվա ընթացքում ճեմարանից ներս կատարված ուսումնառաստիարակչական աշխատանքների ամփոփ հաշվետվությունը:

Ողորմությամբ Աստուծո և Չերդ Ա. Օծության աղոթքներով հոգևոր ճեմարանի հարկի տակ բոլորվեց ուսումնական մի տարի ևս բարի արդյունքներով, ճեմարանի դասախոսական կազմի նվիրյալ աշխատանքով և ուսանողության ջանասիրությամբ ու կարգապահությամբ:

Մայիսի 25-ից մինչև հունիսի 6-ը ներառյալ տեղի ունեցան տարեվերջի քննությունները, որոնց հաջողության համար բարեխղճությամբ նախապատրաստվել էին մեր ուսանողները: Այս մասին կանդաղադատանք ստորև:

Գոհունակությունը ունենք միաժամանակ հայտնելու, որ հոգևոր ճեմարանը, միշտ հավատարիմ իր կոչմանն ու առաքելությանը, Չերդ Վեհափառության անմիջական հոգատարության ներքո, այս տարի ևս լծվելով իր հոգևոր, կրթական և դաստիարակչական աշխատանքին, գտնվեց իր պարտականությունների կատարման քարձրության վրա՝ առաջնորդված այն համոզումով, որ այդ աշխատանքը աստվածահաճ գործ է մեր Եկեղեցու պայծառության, մեր ժողովրդի կրոնական, ազգային և հայրենասիրական գիտակցության զարգացման ճանապարհին:

Մեծ է եղել դերը անցյալում և մեծ է դերը նաև այսօր մեր հոգևոր ճեմարանի: Սակայն, ինչպես Ավետարանն է ասում, «Հունձը բազում են և մշակք տակա»: Այս հոռողությունը մեզ պետք է մղի այսուհետև ևս ջանք չխնայելու կրթական այս հատատությունը առավել զորացնելու և քաղձալի

մակարդակի հասցնելու համար, որպեսզի նա լավագույնս կատարի իրեն վստահված ազգօգուտ գործը. այն է՝ պատրաստել իրենց կոչումին գիտակից, բար ամենայնի զարգացած, ազգասեր ու հայրենասեր երիտասարդ հոգևորականներ՝ հոգալու համար մայր հողի վրա ապրող և ի սիրտու աշխարհի ցրված հայ ժողովրդի հոգևոր-մշակութային կարիքները:

Վեհափառ Տեր, նոր եք վերադարձել Սուրբ Էջմիածին Կենտրոնական Եվրոպա և Ֆրանսիա Չեր կատարած հովվապետական այցելությունից: Դուք անձամբ տարաք և բաշխեցիք Մայր Աթոռ Ս. Էջմիածնի օրհնությունը և վերաձմված հայոց երկրի ողջույնը օտարության մեջ տնդված մեր ժողովրդի պանդուխտ զավակներին, ջերմացրիք նրանց հոգիները Չեր հայրենաշունչ ելույթներով ու հայրական հորդորներով և վերադարձաք մայր հայրենիք հոգեպետ մխիթարված անկասկած, որ մեր հեռավոր եղբայրներն ու քույրերը թեև ապրում են հայրենիքից հեռու, բայց հայրենիքի սիրով բարասխուն՝ հավատարիմ իրենց Մայր Եկեղեցուն և ազգային սրբազան ավանդություններին:

Այսօր ահա կրկին մեր մեջ եք՝ շրջապատված Չեր զավակներով: Այս առթիվ հոգևոր ճեմարանի տեսչության, դասախոսական կազմի և ուսանողության սրտագին պարտականությունն է որդիական խորին շնորհակալություն հայտնել Չերդ Սուրբ Օծությանը ճեմարանին հանդեպ Չեր ցույց տված հայրական հոգատարության, գործունակի և ուշադրության համար:

Այժմ թույլ տվեք, Վեհափառ Հայրապետ, ամփոփ գծերի մեջ ներկայացնել Ձեզ հոգևոր ճեմարանի այս տարվա ուսումնառաստիարակչական աշխատանքների ընդհանուր պատկերը:

ՀՈԳԵՎՈՐ ԾԵՄԱՐԱՆԻ ՍԱՆԵՐ

1980—1981 ուսումնական տարվա սկզբին Ս. Էջմիածնի հոգևոր ճեմարանը ունեցել է 40 ուսանող, որոնցից 20-ը եղել են նոր ընդունվածներ:

Ուսումնական տարեշրջանի ընթացքում հեռացել են 7 ուսանող, որոնցից 5-ը մեկնել են սովետական բանակ՝ զինվորական ծառայության, իսկ երկուսը երկարատև հիվանդության պատճառով չեն կարողացել շարունակել իրենց ուսումը:

Այժմ հոգևոր ճեմարանի ուսանողների թիվը, բար դասարանների, հետևյալն է.

Ա դասարան՝	6 ուսանող
Բ դասարան՝	11 ուսանող

Գ դասարան՝ 12 ուսանող

Բ լսարան՝ 5 ուսանող

Ուսանողներից 8-ը օտարաճախատակներ են՝ Սիրիայից, Լիբանանից և Իրաքից, իսկ մնացածները եկել են Հայաստանի տարբեր շրջաններից:

Այս տարի չենք ունեցել Ա և Գ լսարաններ:

Ուսանողների սույն թվին պետք է ավելացնել նաև քահանայից լսարանի 12 ուսանողներին, որոնք այս տարի հաջողությամբ ավարտեցին քահանայական երկամյա մասնավոր դասընթացը, որը կազմակերպվել էր Վեհափառ Հայրապետի կարգադրությամբ:

Անցյալ ուսումնական տարում իրենց ճեմարանական ուսման լրիվ դասընթացը հաջողությամբ ավարտեցին 4 ուսանողներ (Տիգրան սարկավագ Սարհատյան, Ստեփան սարկավագ Դավթյան, Հայկ սարկավագ Զիլիգարյան և Ս. Պետրոս քահանա Մալյան): Նրանց տրված են առանձին դիպլոմային աշխատանքներ գանազան թեմաներով, և հոգևոր ճեմարանի տեսչությունը հուսով է, որ նրանք բոլորն էլ ժամանակին կներկայացնեն և հաջողությամբ կը պաշտպանեն իրենց ավարտաճառերն ու կստանան ավարտական վկայականներ:

Ս. Ստեփանյանի տոնի առթիվ գերշ. Ս. Հուսիկ արքեպիսկոպոսի ձեռամբ այս տարի սարկավագ ձեռնադրվեցին Բ լսարանի հետևյալ 6 ուսանողները՝ Վարդան Բաղդասարյան, Սմբատ Արիստակեսյան, Մեսրոպ Խաչիկյան, Ալեքսան Թազայան, Ստեփան Կարապետյան և Աշոտ Պետրոսյան:

Հոգևոր ճեմարանի տեսչությունը և դասախոսական կազմը հույս ունեն, որ նրանք երկուսն իրենց կոչմանն արժանի, գիտակից, նվիրված և հավատարիմ սպասավորներ Հայ Եկեղեցու:

ԴԱՍԱԽՈՍԱԿԱՆ ԿԱԶՄ

Հոգևոր ճեմարանի տեսչական և դասախոսական կազմերում այս տարի տեղի են ունեցել որոշ փոփոխություններ: Վեհափառ Հայրապետի կարգադրությամբ ճեմարանի տեսուչ նշանակվեց Ս. Եզնիկ քահանա Պետրոսյանը, իսկ ընդհանուր դաստիարակ՝ Ս. Ստեփանյան արքեպ. Զաքարյանը: Ծեմարանում պաշտոնի կոչվեցին նաև պր. պր. Վաչագան Հովհաննիսյանը՝ որպես վերակագու, և Գրիգոր Կոկչյանը՝ որպես ճեմարանի հաշվապահ-քարտուղար:

Ներկա ուսումնական տարում հոգևոր ճեմարանի ուսուցչական կազմը համալրվեց նոր դասախոսներով: Ամենայն Հայոց կա-

թողիկոսի բարեհաճ կարգադրությամբ ճեմարանում դասախոսելու հրավիրվեցին պատմական գիտությունների թեկնածու և Գերագույն հոգևոր խորհրդի անդամ պր. Հովհաննես Թովոմյանը՝ որպես ընդհանուր պատմության դասախոս, պատմական գիտությունների թեկնածու դոցենտ պր. Սիմոն Կրկյաշարյանը՝ որպես հայ ժողովրդի պատմության դասախոս, պատմական գիտությունների թեկնածու և Ս. Մեսրոպ Մաշտոցի անվան Մատենադարանի գիտաշխատող պր. Արտաշես Մաթևոսյանը՝ որպես ձեռագրագիտության, աղբյուրագիտության և հնագրության դասախոս, Ս. Ղևոնդ քահանա Հարությունյանը՝ որպես երաժշտության դասախոս, պր. Բարկեն Ներսիսյանը և պր. Վոլոդյա Աբրահամյանը՝ որպես հայոց լեզվի և հայ գրականության դասախոսներ:

Այս տարի նույնպես հոգևոր ճեմարանի դասախոսական կազմը զիսավորում է Ամենայն Հայոց Հայրապետը:

Վեհափառ Հայրապետի ցանկությամբ հոգևոր ճեմարանի տեսչությունը այս տարի ևս հրավիրեց տիկին Ռոզա Ղալաշյանին և պր. Թադևոս Ասմարյանին, որպեսզի առաջինը մեքենագրության և երկրորդը դաշնամուրի առանձին պարապմունքներ անցկացնեն ճեմարանի մի շարք սաների հետ:

Հոգևոր ճեմարանի բժիշկն է պր. Հրաչ Մանուկյանը, իսկ գրադարանավարը՝ պր. Հենրիկ Բալյանը:

Հոգևոր ճեմարանի տեսչությունը և դասախոսական կազմը իրենց վրա դրված պարտականությունները կատարեցին ամենայն բարեխղճությամբ՝ աշխատելով ուսանողներին հաղորդել կայուն գիտելիքներ, նրանց մեծ մշակել հոգևոր և բարոյական բառձր արժանիքներ, ազգային-հայրենասիրական առողջ ոգի, որպեսզի ապագայում նրանք դառնան այս հաստատության անուրբ բարձրացնող արժանավոր եկեղեցականներ:

ՈՒՍՈՒՄՆԱԿԱՆ ԵՎ ՆԵՐՔԻՆ ԿՑԱՆՔ

Ներկա տարեշրջանում հոգևոր ճեմարանի հարկի տակ տեղի են ունեցել հետևյալ զեկուցումները, հանդիսությունները և հանդիպումները:

1. Գրական երեկո՝ նվիրված Սուրբ Գրիգոր Նարեկացու կյանքին և ստեղծագործություններին (զեկուցող՝ ճեմարանի Բ լսարանի ուսանող Վարդան Բաղդասարյան): Այս առթիվ տեղի ունեցավ նաև ճեմարանի սաների կողմից պատրաստված նկարչական ցուցահանդես Նարեկացու թեմաներով:

2. Հանդիպում բանաստեղծուհի Մարտիկ Մարգարյանի հետ: Բանաստեղծուհու շափածո ստեղծագործությունների մասին զեկուցեց ճեմարանի Բ լսարանի ուսանող Սմբատ Արիստակեսյանը:

3. Հանդիպում բանաստեղծ Գևորգ Էմինի հետ: Բանաստեղծի ստեղծագործությունների մասին զեկուցումով հանդես եկավ ճեմարանի Բ լսարանի ուսանող Վարդան Բաղդասարյանը:

4. Զեկուցում «Անճապորության մասին» (զեկուցող՝ սովետահայ արձակագիր և թարգմանիչ Վարդիս Սուրենյան):

5. Նոր տարվա տոնակատարություն:

6. Հանդիսություն Վարդանանց տոնի առթիվ (զեկուցող՝ հոգևոր ճեմարանի դասախոս պր. Բաթեն Ներսիսյան):

7. Զեկուցում «20-րդ դարի մարդը և սիրտը» (զեկուցող՝ բժշկական գիտությունների դոկտոր Զարեն Դոլաբջյան):

8. Չորս դասախոսություններ հետևյալ թեմաների շուրջ՝ «Աղիարեն», «Հայ Եկեղեցու առաքելականությունը», «Հայաստանյայց Եկեղեցին որպես անկախ, ինքնավար եկեղեցի», «Հայ Եկեղեցին և Քաղկեդոնը» (զեկուցող՝ պատմական գիտությունների թեկնածու և Գերագույն հոգևոր խորհրդի անդամ պր. Հայկ Մելքոնյան):

9. Երկու զեկուցում Դավիթ Անճաղթի կյանքի և ստեղծագործության մասին՝ ճեմարանի 1500-ամյակի առթիվ (զեկուցողներ՝ փիլիսոփայական գիտությունների դոկտորներ Սեն Արևշատյան և Գևորգ Խրոյալան):

10. Գրական-գեղարվեստական երեկո՝ ղեկավարությամբ հոգևոր ճեմարանի վերականգնող Վաչագան Հովհաննիսյանի: Երեկոյին հանդես են եկել ճեմարանի մի շարք ուսանողներ իրենց շափածո և արձակ ինքնուրույն ստեղծագործություններով:

Բացի վերոհիշյալ զեկուցումներից, հանդիպումներից և հանդիսություններից, ուսանողների համար կազմակերպվել են զեղարվեստական և ուսուցողական բնույթի զանազան միջոցառումներ: Ընթացիկ տարում ճեմարանը ցուցադրեց իր թատերական, երաժշտական ներկայացումների, նկարչական և այլ օուցահանդեսների, ալգելել են Ս. Մեսրոպ Մաշտոցի անվան Մատենադարան, Երևանի պետական պատկերասրահ, պատմության թանգարան, Էջմիածնի Ազգագրական թանգարան, մեկնել են Արտաշատի շրջանի վանքերը՝ տեղի պատմական հուշարձանների արձանագրություններ կարդալու, զրուսալուրուներ են կազմակերպվել դեպի Գառնի, Գեղարդ, Մեծա-

մոր, Մաղկաձոր, Սարդարապատ, Խորվիրապ, Պարզ լիճ, Արագածի լիճ և այլն:

Հունիսի 12—15-ը ճեմարանի ուսանողությունը, Չերդ Սրբության բարեհաճ արտոնությամբ, եռօրյա պտույտի է մեկնելու Եղեգնաձորի շրջան՝ այցելելու տեղի պատմական վանքերն ու տեսարժան վայրերը:

Այս տարեշրջանում ճեմարանից ներս ուսանողների կողմից կարգապահության խախտման որևէ ծանրակշիռ դեպք տեղի չի ունեցել՝ Չերդ Սրբության ուշադրությանը հանձնելու: Եթե երբեմն եղել են մանր անկարգություններ կամ անգիտակցաբար կատարված թեթև զանցանքներ, դրանց կողքով տեսչությունը անշուշտ անտարբեր չի անցել՝ միշտ դիմելով խրատի, համոզման, դաստիարակման մեթոդին:

Հատուկ ուշադրություն է դարձվել ուսանողների առողջությանն ու ֆիզիկական կոփավածությանը: Բացի ամենօրյա մարմնամարզական վարժություններից, ճեմարանը ցուցադրեց ֆուտբոլով, բասկետբոլով, վոլեյբոլով և այլն: Կազմակերպվել են սեղանի թենիսի, վոլեյբոլի, լողի մրցումներ:

Վեհափառ Տեր, Չեզ միշտ ուրախացրել և հոգեպես մխիթարել են ճեմարանի մեր սաների հաջողությունները: Չեր զահակալության ամբողջ բնթացքում Դուք, որպես ուսուցչապետ և հոգատար հայր, անձամբ հետևել եք ճեմարանում տարվող ուսումնադաստիարակչական աշխատանքներին՝ հոգևոր այս հաստատությունն իր կոչման ու առաքելության բարձրության վրա տեսնելու նախաձեռնություններով: Հոգևոր ճեմարանի տեսչությունը և դասախոսական կազմը վստահեցնում են Չեզ, որ Չերդ Սրբության հույսերն ու բարի սպասումները կիրականանան, և մեր Եկեղեցու հոգևոր սպասավորների շարքերը հետզհետե կհամալրվեն երիտասարդ, հավատավոր ու խոստումնալից ուժերով՝ ի պայծառություն Հայաստանյայց Առաքելական մեր Մայր Եկեղեցու, Մայր Աթոռ Ս. Էջմիածնի և ի մխիթարություն և հուրախություն հայ հավատացյալ ժողովրդի:

Այս առթիվ կցանկանալիք շնորհակալության խոսք ուղղել Մայր Աթոռի միաբանությանը, պաշտոնեություններ և բոլոր Երանց, որոնք իրենց բարոյական և նյութական աջակցությամբ տատար հանդիսացան մեզ՝ հեշտագնելով մեր աշխատանքները հոգևոր ճեմարանից ներս:

Վեհափառ Տեր, այս համառոտ զեկուցագիրը վեհազանցելուց առաջ թույլ տվեք հոգևոր ճեմարանի տեսչության և դասախոսական կազմի անունից մի անգամ ևս

շնորհակալություն և ջերմ երախտագիտություն հայտնել Ձերդ Սրբությանը՝ հոգևոր ճեմարանի նկատմամբ Ձեր ցուցաբերած հայրական վերաբերմունքի և մշտական հոգածության համար: Ի դիմաց տեսչության և դասախոսական կազմի թույլ տվեք համբուրել Ձեր Սուրբ Աջը և մաղթել Ձեզ քաջատողություն, բեղմնավոր գործունեություն, նորանոր փայլուն հաջողություններ Ձեր սուրբ առաքելության ճանապարհին և երկար ու երկար արևոտ տարիներ:

Այժմ թույլ տվեք Ձերդ Սրբությանը ներկայացնելու այս տարվա մեր առաջադեմ ուսանողների անունները՝ Ձեզանից ստանալու համար իրենց տրվելիք նվերները:

Բ լսարան—9,2 ընդհանուր միջինով իր դասարանում առաջինն է հանդիսանում Վարդան սարսավազ Բաղդասարյանը: 8,9 ընդհանուր միջինով երկրորդն է հանդիսանում Սմբատ սարկավազ Արիստակեսյանը:

Գ դասարան—9 ընդհանուր միջինով իր դասարանում առաջինն է հանդիսանում Մկրտիչ Ներսիսյանը: 8,6 ընդհանուր միջինով երկրորդն է հանդիսանում Հակոբ Մարտիրոսյանը:

Բ դասարան—9,6 ընդհանուր միջինով իր դասարանում առաջինն է հանդիսանում Ռազմիկ Իսախանյանը: 8,5 ընդհանուր միջինով երկրորդն է հանդիսանում Ռոբերտ Ադամյանը:

Օրինակելի վարքի համար ճեմարանի տեսչությունը ցանկանում է պարգևատրել երկու ուսանողների՝ Բ լսարանից Մեսրոպ սարկավազ Խաչիկյանին և Գ դասարանից՝ Սամվել Դանիելյանին:

Մայրենի լեզվի մեջ գերազանց առաջադիմության և գրական գնահատելի աշխատանքների համար պարգևատրում է Վարդան սարկավազ Բաղդասարյանին:

Նկարչական շնորհալի աշխատանքների համար պարգևատրում է Գ դասարանի ուսանողներ Մկրտիչ Ասլանյանին և Վահան Խաչատրյանին:

Այժմ հրավիրում ենք Վեհափառ Հայրապետին՝ Իր օրհնության խոսքն ու պատգամն ուղղելու մեր սաներին:

Մրցանակի արժանացած ուսանողները աջահամբուրով և բոլոր ներկաների ծափողջույնների ներքո Վեհափառ Հայրապետից ստանում են իրենց մրցանակները:

ՎԵՀԱՓԱՌ ՀԱՅՐԱՊԵՏԻ ԽՈՍՔԸ
ՀՈԳԵՎՈՐ ԺԵՄԱՐԱՆԻ 1980—81 ՈՒՍ.

ՏԱՐՎԱ ՓԱԿՄԱՆ ԱՌԹԻՎ

(11 հունիսի 1981 թ.)

Տիրոջ ողորմությանը վերստին գտնվում ենք բոլորս այս հարկի տակ՝ նշելու համար 1980—81 թթ. ուսումնական տարեշրջանի ավարտը: Ուրախ եմ, անշուշտ, և երջանիկ, որ քսանվեցերորդ անգամ լինելով, ներկա եմ գտնվում այսպիսի հանդիսավոր մի պահի: Աշխատանքի մի շրջան է, որ ավարտվեց և ինչպես տեղեկացանք կարդացված զեկուցագրից, այս վերջին տասնամյակների շարքում, այս ուսումնական տարեշրջանը լավագույններից մեկն է հանդիսացել:

Գոհումակությանը լսեցի ես զեկուցագիրը, զոր կազմած էր և կարդաց տեսչի պաշտոնակատար, ավագ դասախոսներից պ. Պարզև Ծախրազյան: Մի անգամ ևս անդրադարձա, և ուրախության հաստատեցի, ինչ որ կենսագործվել էր այս տարվա ընթացքում ճեմարանի հարկի տակ՝ թե՛ կրթական, թե՛ բարոյական ու կարգապահական տեսակետներից:

Առաջին հերթին պետք է իմ գնահատանքի ջերմ խոսքը ուղղեմ ճեմարանի երիտասարդ տեսչին, որ գործողված լինելով Աթենք բացակայում է այսօր: Տ. Եզնիկ քահանան, հակառակ իր շատ երիտասարդ տարիքին և, հետևաբար փորձի պակասին, ուշագրավ կերպով հաջող աշխատանք ծավալեց, որով արժանի է իմ և բոլորիս գնահատանքին:

Նույն գնահատանքի խոսքը պիտի ուղղեմ նաև ընդհանուր դաստիարակ Տ. Ստեփանոս աբեղային, որ իրեն հատուկ, հոգու ջերմությամբ, նախաձեռնանքությամբ և հոգատարությամբ կատարեց իր պարտականությունները սիրով և նվիրումով:

Իմ անվերապահ և ջերմ գնահատանքը ցանկանում եմ այս պահին ներկայացնել նաև մեր հոգևոր ճեմարանի հարգարժան դասախոսներին, որոնք մասնագիտական ձեռնհասությամբ և բարեխղճությամբ իրենց պարտականությունը կատարեցին լիությամբ:

Կարծում եմ, կարող եմ նաև ավելացնել իմ գոհումակությունը ուսանողության նկատմամբ, որոնք, ընդհանրապես, բարեխղճությամբ, աշխատասիրությամբ հետևեցին դասերին և, մանավանդ, որևէ առիթ չտվեցին ոչ ճեմարանի ղեկավարության, ոչ Մայր տաճարի լուսարարապետության, որ զանգատներ լինեն կարգապահական տեսակետից:

Այդ ուղղությամբ գնահատելի աշխատանք կատարեցին նաև վերակացուները,

իրեն անմիջական օգնականները ընդհանուր դաստիարակ հայր սուրբի:

Ահավասիկ, այս արդյունքներով, մենք փակում ենք այս տարեշրջանը, այն հաստատ համոզմունքով, որ հատաշիկա տարի նույն մակարդակի վրա, և քաջ առ քաջ էլ ավելի բարձր, պիտի շարունակի իր գործունեությունը Մայր Աթոռիս հոգևոր ճեմարանը:

Իր զեկուցման մեջ հիմնավորված կերպով, դասախոս Ծախբազյանը, վեր առավ մեր հոգևոր ճեմարանի առաքելության կարևորությունը մեր Եկեղեցու և մեր ժողովրդի կյանքում այսօր, թե՛ Հայաստանում, թե՛ արտասահմանում: Ուղիղ բնորոշումներ, ուղիղ գնահատականներ էին: Մնում է որ հոգևոր ճեմարանը, գիտակից իր առաքելության, կարողանա համապատասխան մակարդակի հոգևորականներ հասցնել մեր Եկեղեցուն, որոնց այնքան կարիք ունի մեր ժողովուրդը թե՛ մեզ մոտ և թե՛ ի պիտոս աշխարհի: Ամեն տեղ պակաս ունենք հոգեվորականների: Ծառ տեղեր եկեղեցիները փակ են, որովհետև հոգևորական չկա:

Դժբախտաբար, հակառակ ի կատար ածված բոլոր միգրերի, բոլոր զոհողությունների, մեր Եկեղեցու հոգևոր կրթաբանները չեն կարողանում տակավին, քաղարարել Եկեղեցու պահանջները: Բավարարել է հարկավոր երկու իմաստով: Մեզ անհրաժեշտ է հոգևորականներ պատրաստել, կուսակրոն թե ամուսնացյալ, և՛ իրեն քանակ և՛, մանավանդ, իրեն որակ:

Ամեն տեղ, որտեղ հոգևորականը, իրապես, սիրով, նվիրումով աշխատում է, ծույլ չէ, փողատեր չէ, կարգապահ է և իր առաքելության գիտակցությունը ունի, այդ եկեղեցիներում հոգևոր աշխատանքը սքանչելի արդյունքներ է տալիս և ժողովուրդը գոհ է լինում և գնահատանքով շրջապատում է հոգևոր սպասավորին:

Այս մտքերը արտահայտելով Ես գոհունակությամբ պետք է հիշեմ այստեղ որ մեր հոգևոր ճեմարանի վերջին երկու-երեք տարիների հունձքը հույժ մխիթարական եղավ: Անոնք դարձան մշակներ առանց ամոթի, ժիր ու նվիրված, որոնք մեզ մոտ կամ արտասահմանում, թե՛ ուսանում են և թե՛ ծառայում մեր եկեղեցիներին ինչպես Վիեննայում, Գերմանիայում, Ֆրանսիայում և Անգլիայում:

Անձնապես Ինձ համար հույժ մխիթարական է հաստատել այս իրողությունը: Այսօրվա աշխարհը մեր, ընկերային կյանքը, մարդկանց զարգացման բարձր մակարդակը առավել ևս անհրաժեշտ են դարձնում որ հոգևորականը քաջ պահի մեր ժամա-

նակների հոգևոր-մտավոր զարգացման ընթացքի հետ, իր գիտելիքներով, իր ընդհանուր զարգացմամբ և իր քաղաքական արժանիքներով: Այն ատեն է, որ ժողովուրդը կհարգի ու կգնահատի նրան:

Այս բոլորը բերում են մեզ այն եզրակացության, որ մեր կրթական գործը ուղիղ ճանապարհների վրա է գտնվում: Հայ եկեղեցական ասպարեզը հոգևոր և ազգային ծառայության սքանչելի մի ճանապարհ է, որով պետք է առաջ ընթանան մեր ճեմարանի շրջանավարտները ապագա իրենց հոգևոր ծառայությանը կրանքով:

Այս մի քանի խորհրդածություններով և հորդորներով Ես կրկին շնորհավորում եմ հոգևոր ճեմարանի տեսչությանը և դասախոսական կազմը, անցնող տարեշրջանի հաջող ավարտի առիթով և հայցում եմ Աստուծո օրհնությունը մեր բոլորիս վրա, որպեսզի մշտանորոգ ետանդ, ու ներշնչանք ունենանք շարունակելու մեր սրբազան գործը:

Թող Աստված պահի, պահպանի անշարժ և անսասան Մայր Աթոռ Սր. Էջմիածինը այժմ և միշտ: Ամեն:

Հոգևոր ճեմարանի ամսվերջի հանդիսությունն ավարտվում է Վեհափառ Հայրապետի «Պահպանիչ»-ով և խմբովին երգված «Հայր մեր»-ով:

Ճեմարանի առաջին հարկում, սերտողության սրահում, կազմակերպվել էր այս առթիվ Գ դասարանի ուսանողներ Մկրտիչ Ասլանյանի և Վահան Խաչատրյանի աստվածաշնչական թեմաներին նվիրված ավելի քան 50 գունավոր նկարների ցուցահանդեսը: Վեհափառ Հայրապետը Իր շրախրմբով այցելում է ցուցահանդես՝ գոհ և լավագույն տպավորություններով՝ Իր օրհնությանն արժանացնելով ուսանողների աշխատանքները:

Այսպիսով, հոգևոր ճեմարանը փակում է իր դռները 1980—1981 ուսումնական տարեշրջանից հետո ամառային արձակուրդների համար:

Հունիսի 12—14 օրերին ճեմարանի ուսանողությունը մեկնում է երեքօրյա արշավի դեպի Եղեգնաձոր՝ պատմական Վաչոց ձոր, որ կայցեեն շրջանի վանքերն ու եկեղեցիները, տեսարժան վայրերը:

Հույսով ենք, որ սաների մի մասը արձակուրդի օրերին իրենց ծնողների մոտ կբոլորեն հանգստի մի լավ շրջան, իսկ մյուս մասը՝ հուսիս-օգոստոս ամիսներին կծառայեն Մայր Աթոռում և ներքին թեմերում ու սեպտեմբերին բոլոր ուսանողները կվերադառնան իրենց ուսումը շարունակելու՝ ավելի թարմացած, առույգացած և ուսման ավելի մեծ ծարավով: